

Supervizor za Brčko imenuje članove Ureda za reviziju Brčko Distrikta



Supervizor za Brčko, Raffi Gregorian, je danas izdao [nalog supervizora](#) kojim se imenuju članovi Ureda za reviziju Brčko Distrikta: gđa Dževida Hodžić se imenuje na radno mjesto glavnog revizora Ureda za reviziju, a gospoda Tomo Vozetić i Božo Zimonjić se imenuju na radna mjesta zamjenika glavnog revizora Ureda za reviziju.

Zakon o reviziji finansijskog poslovanja institucija Brčko Distrikta, koji je usvojila Skupština Brčko Distrikta u srpnju 2005. godine, predviđa uspostavljanje ureda za reviziju finansijskog poslovanja institucija Distrikta. Zakon navodi da će postojati jedan glavni revizor i dva zamjenika. Zakon isto tako propisuje da Skupština Brčko Distrikta imenuje osobe na ova radna mjesta u roku od tri mjeseca od dana kada zakon stupi na snagu. Nakon tri natječaja, u prosincu 2006. godine, revizori još uvijek nisu bili imenovani.

Supervizor Gregorian, razočaran dugim odgodama i politiziranjem koji su se dogodili u procesu imenovanja glavnog revizora i dva zamjenika, je stoga izdao naputak Povjerenstvu za izbor, imenovanje i mandatsko – imunitetskom povjerenstvu Skupštine Distrikta da obustavi bilo kakve dalje aktivnosti u procesu odabira 11. prosinca 2006. godine. On će sada imenovanja izvršiti sam. Supervizor žali što postoji potreba za intervencijom da se izvrše ova imenovanja. Ali, budući da ne vidi realnu alternativu nakon dugih odgoda, on je odlučio da sam obavi imenovanja kako bi se osiguralo učinkovito funkcioniranje institucija Distrikta i zaštitio zdrav finansijski sektor. Brčko Distrikt je jedino mjesto u BiH u kome nikad nije postojala unutarnja revizija institucija

vlasti.

Imenovane osobe će biti na probnom radu u trajanju od devedeset dana tijekom kojeg će Ured supervizora uzeti u razmatranje njihov rad.